

THOMAE ERASTI

simul ascendunt, nec similiter in altum omnes tolli possunt. Et pestis quidem fructuūq; terræ corruptiones tūc ferè consequuntur, quando paucis annis multi apparēt. Ab anno 1300. usq; ad 1315. apparuerunt octo, & penultimus tribus mēsibus durauit. Antea quoq; nempe ab anno 1000. ad annum 1007. quinq; conspecti sunt. Mirū non est, si tunc à perpetua exhalationum per aerem dispersarum copia Cometæ pariter & aeris putredines, ir deq; frugū corruptiones ac huius generis alia mala orta sunt. Quippe pars leuior, calidior, concipiendæ flammæ aptior, altius euecta generationi Cometæ materiam & occasionem suppeditat, pars crassior in imaregione subsistens corruptitur, aeremq; uariè contaminat. Facile, nisi me animus uehemēter fallit, ex recitatis perspicitur quomodo Cometæ uentos, siccitates, annonæ caritatem, pestem, aliosq; ex putredine morbos præmonstrare aliquando possint. Etenim neque cause neque effectiones ipsi sunt talium rerum, sed à communi causa, scilicet exhalationum copia, tum hæc, tum Cometæ profiscuntur. Minus autem certitudinis hæc etiam præsagatio habet, quia nec ab eadem prorsus exhalatione utriq; effectus oriuntur, nec in eodem loco producuntur.

Cometa igitur, id est, pars halitus accēsa (que plerūq; discutitur) non est causa & uentorum aut pestis, cū propriè loqui uolumus, sed uapores & halitus aliij per aerē diffusi, qui à Cometæ flamma absumpti non sunt. Ab eadē igit̄ causa tū Cometa tum pestis & uenti oriūtur: qua etiā ratione signū pestis aut uentorum dici potest. Certū est interim, rarissimē admodū aerē post Cometæ extictionē nō puriorē esse, quā antea fuisset. Quomodo em̄ nō esset purior, q̄ tāta eiusmodi halituū parte liberatus est, quāta tot dierū spatio ab igne cōsumi potuit? Quāto igitur Cometæ maiores & diurniores et lucidiores sunt, tāto maiorē halituum copiā dissipant, aeremq; exactius purgāt. Quod cū nō sit, ac relicti in aere halitus accessione peregrini & cōtrarij uaporis putrescūt, nō male conij.